



Broj:01/1-226/24

Sarajevo, 29.01.2024.godine

### ZAPISNIK

sa sastanka Kolegija Univerziteta u Sarajevu-Šumarskog fakulteta

održanog 29.01.2024. godine sa početkom u 14,00 sati

#### PRISUTNI:

- Prof.dr Ahmet Lojo, dekan Fakulteta,
- Prof.dr Muhamed Bajrić, prodekan za NIR i finansije,
- Prof.dr Zahida Ademović, prodekan za nastavu i kabinet opštih predmeta,
- Prof. dr Mersudin Avdibegović, šef katedre za Ekonomiku, politiku i organizaciju šumarstva i urbanog zelenila,
- Prof. dr Besim Balić, šef katedre za Uređivanje šuma i urbanog zelenila,
- Prof.dr Sead Vojniković, šef katedre za Ekologiju šuma i urbanog zelenila,
- Prof.dr Jusuf Musić, šef Katedre za iskorištavanje šuma, projektovanje i građenje u šumarstvu i hortikulturi,
- Prof.dr Tarik Treštić, šef katedre za Zaštitu šuma i urbanog zelenila i lovno gospodarenje,
- Prof.dr Sead Ivojević, šef Katedre za uzgajanje šuma i urbanog zelenila-opravnano odsutan.

#### ODSUTNI:

- Prof. dr Dalibor Ballian, prodekan za međunarodnu saradnju-optavnano odsutan,

Na sjednici je dnevni red jednoglasno usvojen, te razmatran sljedeći

#### Dnevni red

1. Usvajanje Zapisnika sa sjednice Kolegija fakulteta, broj: 01/1-176/24 održanog 23.01.2024. godine.
2. Stavljanje van snage Odluke kojom se utvrđuju koeficijenti za obračun dodatka na osnovnu plaću akademskog osoblja Univerziteta u Sarajevu-Šumarskog fakulteta za školsku 2023-2024. godinu, broj: 01/1-4200/23 od 23.11.2023. godine.
3. Razno.

#### Tok sjednice i zaključci:

##### Ad 1.

Članovi Kolegija Univerziteta u Sarajevu-Šumarskog fakulteta usvojili su jednoglasno Zapisnik Kolegija Univerziteta u Sarajevu-Šumarskog fakulteta od 23.01.2024. godine, uz izmjenu opravdanog odsustva prof. dr Seada Ivojevića.

## Ad 2.

Dekan je pojasnio prisutnim da u Budžetu Univerziteta u Sarajevu nema dovoljno sredstava za isplatu plaća, te da nismo u mogućnosti isplatiti dodatke na plaću, koji se odnose na rad preko norme, jer da ne bi imali dovoljno sredstava za isplatu osnovnih plaća. Dekan je predložio odluku kojom se stavlja van snage Odluka kojom se utvrđuju koeficijenti za obračun dodataka na osnovnu plaću akademskog osoblja Univerziteta u Sarajevu-Šumarskog fakulteta za školsku 2023-2024. godinu, broj: 01/1-4200/23 od 23.11.2023. godine, do promjene stanja u budžetu i eventualnog rebalansa kada bi se stekli uslovi za navedenu isplatu. U ovom momentu se ne može garantovati kada će to biti i da li će eventualno biti dovoljno sredstava da se zaostale isplate retroaktivno isplate. Raspisivanje Javnog oglasa za dvije pozicije asistenata se planira polovinom godine dok se vidi stanje budžeta nakon rebalansa, a isti bi počeli sa radom početkom studijske 2024/2025. godine.

Prof. dr Mersudin Avdibegović je podržao odluku uprave zbog nezahvalne pozicije u kojoj se nalazi. Međutim, izrazio je svoje nezadovoljstvo trenutnom integracijom. Zbog iste smatra da samo prvo izgubili status pravnog lica, smanjili mogućnosti zarade novca, sada se prave grube tehničke greške kod proračuna budžeta. Profesor je siguran da će po navedenoj odluci biti ljudi koji će se žaliti i postavlja se pitanje da li će se držati nastava za sporne predmete u periodu trajanja takve odluke i koji su mehanizmi da primorate profesora da drži nastavu za koju nije plaćen. Kod ovakvih probelama pritisak ne treba padati na dekane organizacionih jedinica, nego isti treba usmjeriti prema Univerzitetu u Sarajevu i rektoru.

Prof. dr Muhamed Bajrić je kazao da je razgovarao sa prorektorom za finansije na Univerzitetu u Sarajevu, te je dobio informaciju da je praksa na organizacionim jedinicama po ovom pitanju veoma šarolika. Naime, neke organizacione jedinice plaćaju dodatak na platu šest mjeseci godišnje, neke devet mjeseci, neke nikako sve u odnosu na to sa koliko sredstava raspoložu. Postoji i dodatni problem gdje neki profesori dobijaju 20% na platu zbog jednog izbornog predmeta na kojem imaju jednog studenta. Također, kao ključni problem isplate rada preko nastavne norme naglasio je način prenošenja sredstava za Šumarski fakultet, pri čemu se na mjesečnom nivou od strane Budžeta uplati 1/12 ukupno odobrenog Budžeta (koji je za Šumarski fakultet okvirno manji za 145000 u odnosu na iskazane stvarne potrebe. Na osnovu ovog načina uplate na račun Šumarskog fakulteta, za redovne mjesečne isplate (sa plaćanjem za rad preko norme) nedostaje oko 11000 KM na mjesečnom nivou. Obzirom na značajan pad vlastitih prihoda fakulteta, nismo u mogućnosti nedostajuća sredstva u Budžetu, pokriti iz drugih izvora.

Prof. dr Tarik Treštić je predložio da se profesori izjasne da li će držati nastavu koja je preko norme i da li će biti spremni da se strpe pet, šest mjeseci do rebalansa budžeta?

Prof. dr Sead Ivojević je predložio da se isplata preko norme vrši za period dok nastava teče, a da se obustavlja kada nema nastave. Takođe je postavio pitanje šta će biti sa funkcionalnim dodacima, da li se isti obustavljaju. Prof. dr Muhamed Bajrić je naglasio problem mjesečne isplate na račun fakulteta. Odnosno da će fakultetu nedostajati sve do eventualnog rebalansa iznos od cca 11000 KM i da prema tome nećemo biti u mogućnosti isplaćivati ni u mjesecima kada se izvodi nastava.

U skladu sa navedenim izlaganjima donesena je sljedeća odluka:

Na osnovu člana 71. Zakona o visokom obrazovanju ("Službene novine Kantona Sarajevo", broj: 36/22), člana 115. Statuta Univerziteta u Sarajevu, člana 10, člana 13 i člana 18. Kolektivnog ugovora za djelatnost visokog obrazovanja i nauke na Univerzitetu u Sarajevu ("Službene novine Kantona Sarajevo", broj: 13/21), člana 18.stav (12) Standarda i normativa za obavljanje djelatnosti visokog obrazovanja na području Kantona Sarajevo, odredbama 75. Zakona o radu i člana 6. Zakona o izmjenama i dopunama Zakona o radu ("Službene novine FBiH", broj: 26/16 i 89/18), odredbi Jedinistvenog pravilnika o radu Univerziteta u Sarajevu, odredbi Jedinistvenog pravilnika o plaćama i naknadama osoblja Univerziteta u Sarajevu, dekan fakulteta donosi, *sljedeću*

## **ODLUKU**

1. Stavlja se van snage Odluka o isplati dodatka za rad preko nastavne norme broj: 01/1-4200/23 od 23.11.2023. godine nastavnom osoblju Univerziteta u Sarajevu –Šumarskog fakulteta za školsku 2023-2024.godinu. Odluka važi do stvaranja finansijskih mogućnosti za isplatu rada preko nastavne norme odnosno do eventualnog rebalansa Budžeta Univerziteta u Sarajevu kojim bi rad preko norme bio obuhvaćen.
  
2. Stavljaju se van snage pojedinačne Odluke o isplati dodatka na plaću za rad preko nastavne norme sljedećem nastavnom osoblju:

R.B.	Prezime i Ime	Šifra Uposle.
1	Avdagić Admir	24253
2	Avdibegović Mersudin	24278
3	Bogunić Faruk	24359
4	Hukić Emira	24500
5	Ivojević Sead	24529
6	Mujezinović Osman	24569
7	Pustahija Fatima	24756
8	Višnjić Ćemal	24804
9	Knežević Jelena	24571
10	Halilović Velid	24482
11	Prljača Damir	24748
12	Treštić Tarik	24788
13	Delić Sabina	24407
14	Hadžidervišagić Dino	24472
15	Čabaravdić Azra	24401

3. Odluka stupa na snagu danom donošenja.

### **Obrazloženje**

Finansijska sredstva za plaće, naknade i druga primanja osoblja Univerziteta u Sarajevu-Šumarskog fakulteta osiguravaju se u Budžetu Kantona Sarajevo. Odobrenim budžetom za 2024. godinu Univerzitet u Sarajevu-Šumarski fakultet zbog umanjenog budžeta nije u mogućnosti isplaćivati dodatak za rad preko nastavne norme akademskog osoblja Univerziteta u Sarajevu-Šumarskog fakulteta za školsku 2023-2024.godinu, a obzirom da se isplata na platu

za rad preko nastavne norme vrši u skladu sa raspoloživim sredstvima u Budžetu Kantona Sarajevo i finansijskim mogućnostima Univerziteta/organizacione jedinice. U skladu sa navedenim donesena je odluka kao u dispozitivu.

**POUKA O PRAVNOM LIJEKU:**

Protiv ove Odluke radnik ima pravo prigovora Upravnom odboru Univerziteta u Sarajevu-Šumarskog fakulteta u roku od 15 dana od dana prijema istog, a u skladu sa članom 60. tačka i) Statuta Univerziteta u Sarajevu, broj: 01-14-35-1/23 od 26. 07. 2023. godine.

Sastanak je završen u 15.00 sati.

Zapisnik vodila

Aldijana Bilajac, dipl. iur, stručni saradnik za pravne i administrativne poslove

Dostaviti:

- a/a Kolegija
- Katedrama



DEKAN

prof. dr Ahmet Lojo